

ԼՈՒՐԵՐ ԱՐՄԱՎԻՐԻ ԹԵՄԻՑ

ԱՄԱՎԵՐՋԻ ՀԱՆԳԻՍՈՒԹՅՈՒՆՆԵՐ ԿԻՐԱԿԵՆՕՐԾԱ ՎԱՐԺԱՐԱՆՆԵՐՈՒՄ

Արմավիր քաղաքի մշակույթի պալատի մարդաշատ դահլիճում հունիսի 6-ին տեղի ունեցավ մարզկենտրոնի Սուրբ Աստվածածին կիրակնօրյա վարժարանի տարեմուտի հանդեսը (տնօրեն՝ Գ. Հայրապետյան, կազմակերպիչներ՝ Ա. Սիմոնյան, Ռ. Հարությունյան, խմբավար՝ Գ. Կնյազյան), որին ներկա էին Սայր Աթոռ Սուրբ Էջմիածնից ժամանած բարձրաստիճան հոգևորականներ, ծնողներ, մեծաթիվ հյուրեր: Սոտ մեկ ժամ տևողությամբ հանդիսությունը կրում էր «Քրիստոնեությունը 1700-ամյա լուսավոր կանթեղ» խորագիրը և նվիրված էր Աստծո ու Աստվածաշնչի, հայոց առաջին լուսավորիչների՝ Սուրբ Թադեոս և Սուրբ Բարդուղիմեոս առաքյալների, մեր Հավատո Հոր՝ Սուրբ Գրիգոր Լուսավորչի և Սուրբ Էջմիածնի, ինչպես նաև Հայոց Հիմնավորը երկրի և նրա զավակների ու մեսրոպատառ աբուրեների փառաբանմանը:

Վերջում ներկաներին, աշակերտությանը և ուսուցչական կազմին իր օրհնության խոսքը հղեց Սայր Աթոռի «Էջմիածին» պաշտոնական ամսագրի խմբագրի պաշտոնակատար Հոգեշնորհ Տ. Արշակ արքեպիսկոպոստը:

* * *

Այս հանդիսությանն այնուհետև Մեծամորի մշակույթի պալատի գեղեցիկ դահլիճում հաջորդեց Սուրբ Գրիգոր Լուսավորիչ կիրակնօրյա վարժարանի տարեմուտի հանդեսը (կազմակերպիչներ՝ Օ. Գինոսյան, Ն. Հակոբյան), որը նույնպես անցավ տոնական բարձր մթնոլորտում: Այն էլ ավելի կարևորվեց վարժարանի ավարտական դասարանի թվով տասնմեկ սաների խոսքով, ինչպես նաև նրանց հասցեյին հնչած բարեմաղթանքներով:

Սաներին բարեմաղթանքի խոսք ասաց դպրոցի տնօրեն Ենոք Հայրապետյանը՝ կամենալով, որ նրանց ճանապարհին մշտապես կանաչ լույս վառվի:

Տպավորիչ ու սրտամոտ էին հատկապես Արմավիրի թեմի առաջնորդական փոխանորդ Հոգեշնորհ Տ. Արշեն արքեպիսկոպոստի տասներորդյակներին ուղղված բարի երթի խոսքերը:

ԻՐ ՀՅՈՒՐԸՆԿԱԼ ԴՌՆԵՐԸ ԲԱՑԵՑ ԱՐՏԻՄԵՏ ԳՅՈՒՂԻ ԵԿԵՂԵՑԻՆ

Հունիսի 10-ին Արտիմետ (Էջմիածին) գյուղում, 70-ամյա ընդմիջումից հետո, տեղի հավատացյալ ժողովրդի առջև վերստին իր դռները բացեց Սուրբ

Աստվածածին եկեղեցին: Մեծաթիվ հավատացյալներ էին եկել՝ ներկա գտնվելու ծիսական անդրանիկ արարողությանը՝ երեկոյան ժամերգությանը, որին մասնակցում էին Սայր Աթոռ Սուրբ Էջմիածնից ժամանած հոգևորականներ՝ Արմավիրի թեմի առաջնորդական փոխանորդ Հոգեշնորհ Տ. Արշեն աբեղա Սանոսյանի գլխավորությամբ:

Հավարտ ժամերգության ներկա հավատացյալներին իր օրհնության խոսքը հղեց Հոգեշնորհ Հայր Սուրբը: Շնորհավորելով ներկաներին ուրախարար առիթով՝ Հայր Արշենը մաղթեց, որ Աստծու հովանավորությամբ մշտապես մարդաշատ լինի այս եկեղեցին, և այստեղ զան իրենց աղոթքն առաքելու առ Բարձրյալը:

Համագյուղացիների հետ իր ուրախությունը կիսեց նաև Գարսևան Ղազարյանը: Նա որդիների հետ համատեղ է կառուցել այս եկեղեցին ու մշտապես հոգ տարել՝ կանգուն պահելու համար այն:

Ներկաներին շնորհավորանքի խոսք ասաց նաև գյուղապետ Զավեն Սիրզախանյանը:

Այա ամենքը միասին աղոթեցին Գարեգին Ա Վեհափառ Հայրապետի շուտափույթ ապաքինման համար:

Հոգևոր արարողությունն ավարտվեց «Պաիպանիչ»-ով և Տերունական աղոթքի երգեցողությամբ:

Վերջում ներկաներին բաժանվեցին հոգևոր բովանդակությամբ թերթոններ և փոքրիկ աղոթագրքեր:

ՍՈՒՐԲ ՊԱՏԱՐԱԳ ՆՈՐ ԱՐՄԱՎԻՐ ԳԵՌԻՂՈՒՄ

Տեղի բնակիչների համար բացառիկ մի իրադարձություն էր Արմավիրի մարզի Նոր Արմավիր գյուղում հունիսի 13-ի կիրակի օրը մատուցված Սուրբ և անմահ Պատարագը, որին ներկա էր համարյա գյուղի ողջ բնակչությունը, մեծաթիվ հյուրեր՝ շրջակա բնակավայրերից և մարզկենտրոնից:

Ա. Պատարագը մատուցվեց մշակույթի տանը: Օրվա պատարագիչն ու քարոզիտոսն էր Արմավիրի թեմի առաջնորդական փոխանորդ Հոգեշնորհ Տ. Արշեն աբեղա Սանոսյանը:

Քարոզի բնաբան ընտրելով «Ես եմ կենաց հացը» (ՀՈՎԳ. Զ 35)՝ Հոգեշնորհ Հայր Սուրբը, «Հայր մեր»-ից առաջ դիմելով ներկա հավատացյալ ժողովրդին, ի մասնավորի կարևորեց ճշմարիտ Կենաց Հացի՝ Հիսուս Քրիստոսի կենդանարար և լուսատու պատվիրանների կատարումը, մեր Տիրոջ նախանշած լույսի ճանապարհով ընթանալը, որը թեև դժվարին է ու տատախկոտ, սակայն քաղցր է ու բաղձալի: Նաև ուրախությամբ նշեց, որ կամաց-կամաց վեր է բարձրանում անհավատության քողը՝ տեղը զիջելով Կենաց Հացին, Կենաց Լույսին և Կենաց Աղին: Վկան՝ ներկաների հոծ բազմությունը:

Հավարտ Սուրբ Պատարագի, իրենց ուրախ ներգ ու պարով, ասմունքով հավաքվածներին մեծ ուրախություն պարգևեց Նոր Արմավիր գյուղի ազգագրական երգի-պարի համույթը, որի հովանավորն է Արմավիրի թեմը:

ՆՈՐ ՌԱԳԻՈՂԱՂՈՐԴԱՇԱՐ՝ ԿԱՆՔԵՂ՝

Ընդամենը մեկ ամիս առաջ, այսինքն՝ սույն թվականի իունիս ամսին, Արմավիրի թեմի նախաձեռնությամբ, կյանքի կոչվեց մարգային «ԿԱՆՔԵՂ» հոգևոր հաղորդաշարը, որի հիմնական նպատակը՝ իր ունկնդիրներին հոգևոր սնունդ փոխանցելն է:

Ամդրամիկ հաղորդումն սկսվեց Կաթողիկոսական Ընդհանուր Փոխանորդ զերաշնորհ Տ. Գարեգին արքեպս. Ներսիսյանի օրհնության խոսքով:

Նորաստեղծ հաղորդաշարին բարի երթի իր խոսքը հղեց նաև Արմավիրի թեմի առաջնորդական փոխանորդ Գրգեշնորհ Տ. Արշեն արքեպս. Սանոսյանը:

Շաբաթական երկու անգամ, երեքշաբթի և ուրբաթ օրերին, եթեր հեռարձակվող հաղորդաշարը պարբերաբար ամդրադառնում է Հայաստան-յայց Սոաքելական Սուրբ Եկեղեցու դավամանքին և ծիսական արարողությամբ:

«Մեր նամականին» էջում բարձրաստիճան հոգևորականները պատասխանում են ունկնդրին հուզող հարցերին:

Հաղորդաշարն ունի նաև լրատվական բաժին, ուր տեղ են գտնում Արմավիրի թեմում կազմակերպվող հոգևոր միջոցառումների, գրական-գեղարվեստական, ինչպես նաև դպրոցական հանդիսությունների արձագանքները և համանման այլ տեղեկություններ:

Ասենք նաև, որ Արմավիրի թեմը կազմավորվել է ընդամենը երեք տարի առաջ, 1996 թվականին, Նորին Սուրբ Օծությունը Տ.Տ. Գարեգին Ս. Սմեռայն Հայոց Կաթողիկոսի հատուկ պաշտոնագրով:

Այսօր խոսելով նորահիմն թեմի եռամյա պատմության մասին, արդեն իրավամբ կարելի է ասել, որ շատ բան է փոխվել այն ընդգրկող տարածքում: Փոքրաթիվ, բայց և նվիրյալ հոգևորականների ջանքերով Ավետարանական պատգամներին ի հասու է դառնում մարզի բնակչությունը, երեխաները հաճախում են կիրակնօրյա դպրոցներ, գործում են ծնողաց լսարաններ: Հանրակրթական, ինչպես նաև կիրակնօրյա դպրոցներում, կրոն դասավանդելու նպատակով, Զրիստոնեական Զարոգչության և Դաստիարակության Կենտրոնի ջանքերով, վերապատրաստման դասընթացներ անցան մի խումբ ուսուցիչ-ուսուցչուհիներ:

ԴՐԱՄԱՀԱՎԱՔ-ՄԱՐԱԹՈՆ ԱՐՄԱՎԻՐ ԶԱՂԱՋՈՒՄ

Հունիսի 15-ին Արմավիր քաղաքում քրիստոնեությունը Հայաստանում պետական կրոն հռչակման 1700-ամյակի շրջանակներում անցկացվեց դրամահավաք-մարաթոն, որի նպատակը քաղաքում Ս. Ամենափրկիչ եկեղեցու կառուցումն էր:

Այն կազմակերպվել էր համաձայն Արմավիրի թեմի առաջնորդական փոխանորդ Գրգեշնորհ Տ. Արշեն արքեպս. Սանոսյանի սույն թվականի մայիսի 18-ի հրամանի:

Դրամահավաք-մարաթոնը բացվեց Տեղումական աղոթքով, ապա ներկաներին օրվա խորհուրդն ու կարևորությունը մեկնեց Արմավիրի թեմի առաջնորդական փոխանորդ Գրգեշնորհ Տ. Արշեն արքեպս. Սանոսյանը:

Աշակերտների կողմից կատարված գրական-գեղարվեստական հայտագրում գեղեցիկ կերպով ներկայացված էին քրիստոնեության մուտքը Հայաստան, Ս. Առաքյալների և Ս. Կույսերի նահատակությունը, Ս. Գրիգոր Լուսավորչի կրած չարչարանքները, Խոռ Վիրապուն անցկացրած տարիները, գրերի գյուտը, հայ ժողովրդի դեգերումները պատմության քառուղիներում՝ անցյալ դարերից մինչև Արցախյան ազատամարտ:

Այնուհետև, հակիրճ խոսքից հետո, առաջին ներդրումը ուսուցչական կազմի անունից կատարեց դպրոցի տնօրեն Արամ Խաչատրյանը:

Միջոցառման առաջին մասը, որ ավարտվեց 14.30-ին, շարունակվեց համերգային գեղեցիկ ծրագրով, որը մեջընդմեջ ընդհատվում էր ելույթներով և նվիրատվությունների շարժրածայն հայտարարությամբ:

Օրվա երկրորդ կեսին, կարճատև ընդմիջումից հետո, մարաթոնը շարունակվեց քաղաքի հրապարակում: Այն առավել հրապուրիչ անցկացնելու համար Արմավիր էին ժամանել Սրարատյան Հայրապետական թեմի Արաբկիրի, Սալաթիայի և Նոր Նորքի Հայորդյաց տների գեղարվեստական համույթները:

Մարաթոնը շարունակվեց մինչև ժամը 22.00: Այդ ընթացքում ելույթներ ունեցան թիվ 9 միջնակարգ դպրոցի աշակերտուհիներ Տաթևիկ և Լիլիթ Պարուրյանները՝ իրենց եղբոր հետ, ինչպես նաև հրապարակ եկած մեծաթիվ մանուկներ:

Ուշ երեկոյան բացվեց գանձանակը: Հավաքված ընդհանուր գումարը կազմում էր մոտ 175.000 դրամ:

Թեև այնքան էլ մեծ չէր հավաքված գումարը, սակայն կարևորն այն էր, որ կատարվեց մեծ գործի նույնքան կարևոր առաջին քայլը: Արմավիրցին հասկացավ, որ ի վերջո հասել է այն պահը, երբ սեփական ձեռքերով պետք է դնի իր հավատի տան վեճը, որպեսզի այսօրվա մանուկը, բայց վաղվա հասուն քաղաքացին, տարակուսանքով չնայի հարազատ զավակի աչքերին ու երկտմի, թե ի՞նչ է պատասխանելու մանուկ հոգուց բխած անկեղծ ու պարզ հարցին. «Ինչո՞ւ մենք էլ մեր քաղաքում չունենք մեր եկեղեցին»:

ԱՐՄԱՎԻՐԻ ԹԵՄԻ ԼՐԱՏՎԱԿԱՆ ԿԵՆՏՐՈՆ